



Adresa: **Ul. Hamdije Ćemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-364-4/25**

Datum: **28.10.2025. godine**

«Agencija za vodno područje rijeke Save» Sarajevo rješavajući po zahtjevu Javnog preduzeća «RAD» d.d. Tešanj za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent iz postrojenja za prečišćavanje procjednih otpadnih voda sa deponije komunalnog otpada «Bukva» u naselju Bukva, općina Tešanj, na osnovu člana 109. stav (1) tačka 2. i 11. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Daje se prethodna vodna saglasnost Javnom preduzeću «RAD» d.d. Tešanj za ispuštanje tehnoloških otpadnih voda u prirodni recipijent iz postrojenja za prečišćavanje procjednih otpadnih voda sa deponije komunalnog otpada «Bukva» planiranog u naselju Bukva na dijelu zemljišne parcele označene kao k.č. broj: 5/3 K.O. Novo Selo, općina Tešanj a u postupku izdavanja urbanističke saglasnosti za izgradnju postrojenja i okolinske dozvole ukoliko je za predmetni objekat i aktivnost potrebna okolinska dozvola.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 2.1. Da je planirana aktivnost usklađena sa važećom prostorno-planskom dokumentacijom i razvojnim planovima Općine Tešanj.
 - 2.2. Da se u okviru projektnog rješenja primjene tehničko-tehnološke mjere kojima će se spriječiti kontaminacija vode, tla i zraka.
 - 2.3. Da se na osnovu proračunatih količina i sastava procjednih voda koje nastaju na predmetnoj deponiji «Bukva» izradi i reviduje investiciono tehnička dokumentacija postrojenja za prečišćavanje procjednih voda kojom će se jasno definisati potreban tretman tehnoloških otpadnih voda u cilju postizanja propisanih uslova kvaliteta vode, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 2.4. Investiciono-tehnička dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) koja su bitna za konkretan slučaj, a naročito:
 - Kompletan proračun kvantitativnih i kvalitativnih karakteristika procjednih voda koje nastaju na predmetnoj deponiji,
 - Tehničko rješenje tretmana procjednih otpadnih voda sa svim potrebnim proračunima i tehničkim opisom sa definisanim načinom ispusta prečišćenih voda u recipijent,
 - Tehničko rješenje zbrinjavanja mulja/koncentrata iz postrojenja za prečišćavanje tehnoloških otpadnih voda,
 - Tehničko rješenje za monitoring i način monitoringa ispuštenih otpadnih voda u utvrđeni recipijent,
 - Tehničko rješenje bezbjednog skladištenja hemikalija i drugih sredstava koja spadaju u opasne i štetne materije, a koje se planiraju koristiti u procesu tretmana otpadnih voda u redovnom pogonu i u slučaju akcidentnih situacija vodeći računa da se isti ne smiju skladištiti u «vodnom dobru»,
 - Predvidjeti ugradnju okna za monitoring prije ispusta prečišćenih voda u recipijent,
 - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka),
 - Predvidjeti redovnu kontrolu opreme i uređaja koji se planiraju instalirati na postrojenju,

- 2.5. Usvojenim sistemom prečišćavanja otpadnih voda mora se obezbjediti da prečišćene otpadne vode, prije ispuštanja u recipijent, moraju da zadovolje granične vrijednosti emisije definisane u Prilogu 19. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24). Postizanje i održavanje vrijednosti zahtijevanih parametara na izlazu iz postrojenja moraju se garantovati od strane projektanta i isporučioca opreme. Isto važi i za vijek trajanja opreme, te utrošak energije i hemikalija.
- 2.6. Projektnom dokumentacijom obuhvatiti i situativno prikazati cjelokupan lokalitet deponije komunalnog otpada «Bukva» sa svim objektima, definisati tačan položaj/lokaciju planiranog postrojenja u odnosu na ostale objekte, na otvorene vodotoke, izvorišta vode za piće.
- 2.7. Sagledati sve moguće neželjene uticaje planiranih radova na izgradnji predmetnog postrojenja na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično, te dati prijedlog mjera za sprečavanje tih uticaja.
- 2.8. Projektnom dokumentacijom dati tehničko rješenje tretmana i konačnog zbrinjavanja mulja, te riješiti način privremenog skladištenja i konačnog odlaganja u skladu sa odredbama Uredbe o upravljanju muljem sa postrojenja za prečišćavanje komunalnih otpadnih voda («Službene novine Federacije BiH», broj 28/24).
- 2.9. Projektnom dokumentacijom definisati da se mulj iz postrojenja, kao ni opasni materijal i otpad, kako u toku izvođenja radova tako i u toku rada predmetnog postrojenja ne smije ni privremeno odlagati na česticu «vodno dobro», odnosno u vodotok i na njegove obale.
- 2.10. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
- 2.11. Investiciono tehnička dokumentacija mora biti urađena na nivou glavnog projekta potrebnog za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i okolinske dozvole i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnikom o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
4. Po izradi i reviziji investiciono-tehničke dokumentacije u skladu sa uslovima iz tačke 2. dispozitiva ovog Rješenja, a prije pribavljanja odobrenja za građenje, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 5.2. Rješenje o urbanističkoj saglasnosti za izgradnju predmetnog postrojenja
 - 5.3. Rješenje o okolinskoj dozvoli ili potvrda nadležnog organa da ista nije potrebna
 - 5.4. Dokaz o izvršenoj uplati upravne takse u iznosu od 60 KM.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Javno preduzeće «RAD» d.d. Tešanj podnijelo je ovoj Agenciji dana 26.08.2025. godine zahtjev za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent iz postrojenja za prečišćavanje procjednih otpadnih voda sa deponije komunalnog otpada «Bukva» planiranog u naselju Bukva na dijelu zemljišne parcele označene kao k.č. broj: 5/3 K.O. Novo Selo, općina Tešanj a u postupku izdavanja urbanističke saglasnosti za izgradnju postrojenja.

U provedenom postupku, uz zahtjev za izdavanje prethodne vodne saglasnosti dostavljena je i pregledana sljedeća dokumentacija:

- Ovjerena kopija Rješenja o registraciji broj: 043-0-Reg-08-002849 izdatog dana 11.11.2008. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 18.12.2008. godine od strane Porezne uprave – Kantonalni ured Zenica,
- Ovjerena kopija Zemljišnoknjižnog izvotka broj: 039-0-NAR-25-003 861, ZK uložak broj 41 izdatog dana 25.08.2025. godine od strane Zemljišnoknjižnog ureda - Općinski sud u Tešnju,
- Ovjerene kopije katastarskog plana K.O. Novo Selo, broj plana 2 UR broj: 06-26-11-4529/2025-3 i broj plana 10 UR broj: 06-26-11-4529/2025-4 izdatih dana 19.08.2025. godine od strane Službe za katastar, urbanizam i imovinsko-pravne poslove Općine Tešanj,
- Ovjerena kopija Posjedovnog lista broj 808 izdatog dana 19.08.2025. godine UR broj: 06-26-11-4529/25-2 od strane Službe za katastar, urbanizam i imovinsko-pravne poslove Općine Tešanj,
- Izvod iz prostorno planske dokumentacije broj: 06-19-4-2207/25 izdato dana 27.08.2025. godine od strane Službe za katastar, urbanizam i imovinsko-pravne poslove Općine Tešanj,
- Mišljenje o mogućnosti odobravanja planirane promjene u prostoru broj: 06-19-4-2280/25 izdato dana 15.09.2025. godine od strane Službe za katastar, urbanizam i imovinsko-pravne poslove Općine Tešanj,
- Kopija Rješenja o odobrenju za upotrebu dijela građevine (II faza – nova ploha za deponovanje otpada sa kolskom vagom) broj: 12-19-7533/23 izdato dana 22.05.2024. godine od strane Ministarstvo za prostorno uređenje, promet i komunikacije i zaštitu okoliša Zeničko-dobojskog kantona,
- Studija za izdavanje prethodne vodne saglasnosti za Postrojenje za prečišćavanje procjednih voda Deponije Tešanj urađena od strane «HIGRACON» d.o.o. Sarajevo, august 2025. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 19.09.2025. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 22.09.2025. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu Studiju utvrđeno je sljedeće:

Deponija komunalnog otpada «Bukva» nalazi se na lokalitetu Vila u naselje Bukva na zemljištu označenom kao k.č. broj: 5/3, 13 i 1112/3 K.O. Novo Selo na udaljenosti od oko 2 km sjeveroistočno od urbanog dijela općine Tešanj. Za izvedene radove na dijelu II faze – izgradnja nove plohe za deponovanje otpada i kolske vage u postupku sanacije postojeće deponije komunalnog otpada «Bukva» od strane nadležnog ministarstva Ze-do kantona izdato je rješenje o upotrebi.

Izgradnja postrojenja za prečišćavanje procjednih voda deponije «Bukva» planirana je u neposrednoj blizini postojećeg bazena za prikupljanje procjednih voda a na dijelu parcele označene kao k.č. broj: 5/3 K.O. Novo Selo, općina Tešanj. Prikupljene procjedne vode će se iz bazena pumpati do kontejnerskog postrojenja za reverznu osmozu (kapacitet 25 m³/dan). U prvoj fazi će se odvijati korekcija pH vrijednosti, nakon čega slijedi filtracija te reverzna osmoza gdje se vrši separacija vode na dva dijela: permeat (čista voda) i koncentrat (koncentrirana otpadna voda). Neposredno uz postrojenje, predviđena je izgradnja bazena za prikupljanje permeata i bazena za prikupljanje koncentrata (oba kapaciteta po 50 m³). Bazeni su planirani kao zasebne AB građevine opremljeni potopnim pumpama za njihovo pražnjenje.

Iz bazena koncentrata, voda će se pumpnim sistemom vraćati na tijelo deponije. Prečišćena voda iz bazena permeata će se PEHD cjevovodom DN 50 mm, preko revizionog okna, ispuštati u postojeću kanalizacioni kolektor DN 800.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva Javno preduzeće «RAD» d.d. Tešanj, su ovim vodnim aktom u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je dužan ispuniti prilikom izrade projektne dokumentacije potrebne u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno odredbama člana 12. stav (1) tačka 6. i člana 111. Zakona o vodama te člana 5. i člana 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Uplaćeni su i posebni troškovi prema Zaključku ove Agencije broj UP-1/21-1-40-364-3/25 od 01.10.2025. godine.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta

Nermina Hodžić, dipl.inž.grad.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.grad.

Dostaviti:

- JP «RAD» d.d. Tešanj
Trg žrtava 3. augusta br 2, 74260 Tešanj
- Ministarstvo za prostorno uređenje, promet i komunikacije i zaštitu okoliša
Zeničko-dobojskog kantona, Kučukovići br 2, 72000 Zenica
- ☉ AVP Sava, ISV-vodna knjiga
 - Sektor 40 – arhiva
 - Oglasna ploča AVP Sava